

# AUGLÝSING

## (I) um staðfestingu reglna sveitarfélaga um úthlutun byggðakvóta.

### 1. gr.

Með vísan til 3. mgr. 6. gr. reglugerðar nr. 722, 4. ágúst 2005, um úthlutun byggðakvóta fiskveiðiárið 2005/2006, staðfestir ráðuneytið eftirfarandi úthlutunarreglur þessara sveitarfélaga:

#### 1. Akureyrarbær.

1. Afla sem úthlutað er á grundvelli úthlutunar byggðakvóta Akureyrarkaupstaðar er skylt að vinna í Hrísey. Það telst vinna þegar afli er fullunninn í fiskvinnslum í Hrísey.
2. Umsókn um byggðakvóta skal skilað á skrifstofur Akureyrarkaupstaðar fyrir 1. desember 2005. Einnig má skila umsókn á netfangið dagny@akureyri.is.
3. Með umsókn um byggðakvóta skal fylgja staðfesting fiskverkunar í Hrísey um að afli verði unninn þar. Gerð skal grein fyrir á hvaða tímabili umsækjandi hyggst veiða/landa úthlutuðum byggðakvóta. Jafnframt skulu tilgreindar upplýsingar um hve mikið af aflaheimildum umsækjandi hyggst leggja á móti byggðakvóta. Öllum afla samkvæmt þessari grein skal landað fyrir lok fiskveiðiárs.
4. Rétt til úthlutunar byggðakvóta hafa skip sem skráð hafa verið með heimahöfn í Hrísey árið 2005 eða skip sem lönduðu afla sínum þar á því ári. Miðað er við skráningu Fiskistofu þann 24. október 2005.
5. Bátum sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta sem einnig verði unninn í fiskvinnslu í Hrísey og skoðast móttekin umsókn sem staðfesting viðkomandi á því að það verði gert.
6. Fullnægi fleiri en eitt skip þessum skilyrðum skal byggðakvótanum skipt að 1/3 jafnt á öll skip sem uppfylla skilyrði 4. tl. og 2/3 í hlutfalli við þær aflaheimildir sem umsækjandi/skip leggur til í umsókninni.
7. Við verðlagningu afla til fiskvinnslu í Hrísey skal að lágmarki greiða viðmiðunarverð Verðlagsstofu skiptaverðs fyrir þorsk, ýsu og karfa, en fyrir aðrar tegundir sambærilegt verð og algengast er á viðkomandi landsvæði að teknu tilliti til stærðar og gæða.
8. Aflaheimild er ekki framseljanleg og skulu hlutaðeigendur afsala sér henni fyrir 15. júní 2006 geti þeir ekki farið að þeim reglum sem um ráðstöfunina gilda. Heimilt er að skipta út tegundum en úthlutaður byggðakvóti skal alltaf vera sá sami í þorskígildum.
9. Þann 10. ágúst 2006 skulu útgerðir þeirra skipa sem úthlutað fá byggðakvóta samkvæmt þessum reglum skila inn skýrslu til Akureyrarbæjar um nýtingu hans. Verði skýrslu ekki skilað eða ákvæðum þessara reglna um löndun afla ekki fylgt geta viðkomandi bátar átt á hættu að fá ekki úthlutaðan byggðakvóta komi til slíkrar úthlutunar síðar.

#### 2. Árneshreppur.

Úthlutun verður skipt jafnt milli báta í krókaafلامarkskerfinu enda eigi eigendur þeirra lögheimili í Árneshreppi og hafa landað öllum afla sínum í Norðurfjarðarhöfn í Árneshreppi á síðasta fiskveiðiári.

#### 3. Blönduósbær.

Blönduósbær skiptir þeim 140 þorskígildislestum sem komið hafa í hlut sveitarfélagsins samkvæmt eftirfarandi reglum:

1. Blönduósbær mun auglýsa eftir aðilum til að veiða og verður kvótanum úthlutað til jafns milli þeirra báta sem sækja um og uppfylla eftirfarandi skilyrði:
  - a) Úthluta skal aflaheimildum til báta sem skráðir voru í sveitarfélaginu eigi síðar en 1. ágúst 2005, stunduðu veiðar og lönduðu afla í sinni heimahöfn, Blönduósi, á fiskveiðiárinu 2004/2005.
  - b) Stefnt skal að því að öll vinnsla aflans fari fram í sveitarfélaginu. Gera skal samning við fiskvinnslustöð á Blönduósi um vinnslu aflans. Skal samningi þeim fylgja greinargerð um tilhögun veiða og vinnslu aflans þegar sótt er um úthlutun.
  - c) Ef sýnt þykir að hluti vinnslu aflans geti ekki farið fram í sveitarfélaginu skal fylgja greinargerð um tilhögun veiða og vinnslu aflans þegar sótt er um úthlutun.
  - d) Úthlutun er bundin því að greinargerðum verði skilað inn á eftirfarandi tíma:
    - Með umsókn um úthlutun skal fylgja greinargerð um tilhögun veiða og vinnslu aflans fiskveiðiárið 2005/2006.
    - Hinn 1. maí 2006 skal skila greinargerð um framvindu veiða og vinnslu.
    - Eigi síðar en 1. september skal skila greinargerð um veiðar og vinnslu yfirstandandi fiskveiðiárs.
2. Aflaheimild er ekki framseljanleg milli báta og þurfa hlutaðeigendur að afsala sér aflaheimildum geti þeir ekki farið að þeim reglum sem um ráðstöfun þeirra gilda. Heimilt er að skipta á jöfnu á markaðsvirði á öðrum tegundum en þorski, án þess að það teljist framsal á úthlutaðum aflaheimildum.

#### **4. Borgarfjarðarhreppur.**

1. Hreppsnefndin auglýsir eftir umsóknum um byggðakvótann.
2. Kvótanum verður skipt jafnt milli þeirra báta sem skráðir eru og gerðir út frá Borgarfirði þegar úthlutun fer fram og sótt hefur verið um byggðakvóta fyrir.
3. Þeir sem fá úthlutað byggðakvóta skuldbindi sig til að leggja hann upp til vinnslu á Borgarfirði. Þá skuldbindi þeir sig enn fremur til að selja ekki eða leigja frá sér aflaheimildir á fiskveiðiárinu umfram það sem þeir kaupa eða leigja til sín.
4. Telji einhver, sem fengið hefur til sín byggðakvóta, sér nauðsynlegt að láta frá sér meiri aflaheimildir en hann fær til sín sbr. 3. tl., þá skal viðkomandi gera hreppsnefndinni grein fyrir því fyrir lok maímánaðar og afsala sér jafnframt byggðakvótanum, sem þá verður skipt milli annarra báta á Borgarfirði sem úthlutun hafa fengið.

#### **5. Breiðdalshreppur.**

1. Til þess að bátur fái úthlutun skal hann hafa verið með heimili skráð í Breiðdalshreppi 1. september 2005, þó með þeirri undantekningu að ef um breytingu á skipakosti hefur verið að ræða frá 1. september til úthlutunardags, þá skal tekið tillit til þess.
2. Bátur sem fær úthlutaðan byggðakvóta, skal að lágmarki tvöfalda það aflamagn sem hann fær úthlutað (mótframlag), til vinnslu í Breiðdalshreppi.
3. Öllum afla sem úthlutað er sem byggðakvóta, ásamt mótframlagi, skal landað til vinnslu á Breiðdalsvík.
4. Gerðir skulu skriflegir samningar milli Breiðdalshrepps og viðkomandi báts/fyrirtækis sem gilda til eins árs í senn.
5. Sækja skal skriflega um byggðakvóta til Breiðdalshrepps með rökstuðningi um hvernig viðkomandi hyggst tvöfalda að minnsta kosti það magn sem sótt er um.

6. Afsali aðili sem fengið hefur úthlutað byggðakvóta sér honum eða missir rétt til hans þar sem hann uppfyllir ekki þau skilyrði sem sett eru í reglum þessum mun þeim kvóta verða úthlutað að nýju af sveitarstjórn samkvæmt þessum reglum.
7. Þegar um fleiri en eitt bát/skip er að ræða, við úthlutun kvótans, verður honum úthlutað í hlutfalli við úthlutað aflamark þeirra fiskveiðiárið 2005/2006.

## 6. Djúpivogur.

1. Úthlutuðum veiðiheimildum verði eingöngu skipt milli þeirra skipa sem skráð voru með heimahöfn á Djúpavogi í upphafi fiskveiðiárs 2005/2006, enda séu útgerðarmenn með lögheimili í sveitarfélaginu. Hafi eigendur eldri skipa endurnýjað þau, áður en umsóknarfrestur rennur út, gildir sama regla.
2. Miðað skal við að hámarksstærð fiskiskipa, sem úthlutun fá, sé takmörkuð við 15 brl.
3. Skip sem út eru gerð frá Djúpavogi, þegar gengið er frá reglunum, og koma því til greina sbr. þó ákvæði 1. – 2. tl.
4. Einungis verði úthlutað til útgerða þeirra skipa sem leggja fram, eigi síðar en 15. nóvember 2005, skriflegt samkomulag við vinnslustöð/vinnslustöðvar á Djúpavogi um úrvinnslu aflans samkvæmt úthlutuðum heimildum og jafnframt að viðkomandi útgerð muni leggja upp áttfaldan byggðakvóta (þó að hámarki úthlutuðum kvóta í upphafi fiskveiðiárs, og eftir atvikum að teknu tilliti til bóta og geymslukvóta milli ára, sbr. 5. tl.) að meðtöldum úthlutuðum byggðakvóta til sömu vinnslustöva(r). Þá skuldbindi útgerðir sig í umsókn til að selja ekki eða leigja frá sér úthlutaðan kvóta á fiskveiðiarinu umfram það sem þær kaupa eða leigja til sín til hagræðingar þ.e. skipta sambærilegu magni miðað við þorskígildi fyrir aðra(r) tegund(ir), sem henta(r) betur útgerð að viðkomandi skips. Á grundvelli samnings við fiskvinnslu sækir útgerð um byggðakvóta til sveitarstjórnar eigi síðar en 15. desember 2005. Sé mismunur á afla umfram áttfaldan kvóta og úthlutaðs grunnkvóta (í þorskígildum) að viðbættum byggðakvóta komið til vinnslu í öðru byggðarlagi, þarf viðkomandi útgerð að geta sýnt fram á að vinnslustöðvum á Djúpavogi hafi fyrst verið gefinn kostur á að kaupa umræddan afla.
5. Þegar fyrir liggur hvaða skip sem sótt hefur verið um byggðakvóta fyrir, uppfylla ákvæði 1.-4. tl. úthlutar sveitarstjórn eigi síðar en 28. desember 2005 heildarmagnni byggðakvóta á fiskveiðiarinu til þeirra báta, sem undir reglurnar falla í sama hlutfalli miðað við þorskígildi og sömu bátar fengu úthlutað aflamarki í upphafi fiskveiðiárs 2005/2006. Einungis verður tekinn inn í hlutfallsreikninginn sá hluti hugsanlegs kvóta, sem fluttur er milli ára, eða kemur sem bætur frá sjávarútvegsráðuneyti vegna fyrri ára – og eingöngu að hámarki mismunur á áttföldum kvóta og kvótastöðu í þorskígildum 15. nóvember 2005, hafi viðkomandi skip við setningu reglnanna landað þann dag meiri afla til vinnslu utan byggðarlagsins en sem nemur mismun á áttföldum afla og úthlutuðum afla kvótaárið 2005/2006.
6. Telji útgerð sér vera nauðsyn á að leigja frá sér eða selja kvóta umfram leigðan kvóta eða keyptan skal hún gera sveitarstjórn grein fyrir því og skila byggðakvótanum aftur til sveitarfélagsins fyrir lok júní 2005. Verður honum þá með sama hætti skipt milli annarra báta sem úthlutun hafa fengið skv. skiptireglu í 5. tl. og ekki hafa fyrirgert rétti sínum á kvótanum samkvæmt reglum þessum. Endurnýi útgerð skip eftir að úthlutun fer fram, getur byggðakvóti hennar flust yfir á hið nýja skip, enda hafi erindi þar að lútandi verið lagt fyrir sveitarstjórn og útgerðin uppfylli að öðru leyti framangreindar reglur.
7. Standi útgerð eða útgerðarmenn ekki við samkomulag við vinnslustöð(var) og/eða reglur sveitarstjórnar vegna úthlutunar byggðakvóta ársins koma hlutaðeigandi ekki til greina, þegar úthlutað verður næst.

**7. Garður.**

Eftirfarandi reglur gilda við úthlutun byggðakvóta Garðs:

1. Bátur sé skráður í Garði 1. september 2005.
2. Útgerð bátsins hafi lögheimili í Garði.
3. Útgerð leggi fram 1 kíló áður en úthlutun byggðakvóta fer fram fyrir hvert kíló sem þeim er úthlutað af byggðakvóta Garðsins.
4. Útgerð leggi fram skriflegt samkomulag við fiskvinnslur í Garði um vinnslu þeirra aflaheimilda sem þeim verður úthlutað samkvæmt þessum reglum og afla skv. 3. tl.
5. Byggðakvóta skal skipt milli fiskiskipa í hlutfalli við landaðan afla á síðasta fiskveiðiári, þó að hámarki 15 tonn á hvern bát.
6. Útgerðir skulu í einu og öllu fara að þeim skilyrðum sem hér koma fram, þar á meðal skulu forráðamenn þeirra skrifa undir samkomulag við Garð um að þær afsali sér aflaheimildum fari þær ekki eftir þeim reglum sem um úthlutun byggðakvótans gilda. Þá fyrirgera útgerðir sem ekki fara að skilyrðum reglnanna rétti sínum til hugsanlegrar úthlutunar á næsta ári, að óbreyttum reglum.

**8. Grundarfjarðarbær.**

1. Fjórðungi byggðakvótans (35 þorskígildistonn) verði úthlutað þannig:  
Að úthluta megi eftir umsóknum aflamarksskipa sem hafa lögheimili útgerðar og útgerðarstjórnar í Grundarfirði, á fiskiskip sem þaðan eru gerð út, í hlutfalli við landaðan afla í Grundarfirði á síðasta fiskveiðiári 2004/2005. Við úthlutun skal heildaraflamark einstakra fiskiskipa ekki aukast um meira en 100%, miðað við úthlutun í upphafi fiskveiðiárs 2005/2006 og ekkert fiskiskip skal hljóta meira en 15 þorskígildislestrir miðað við óslægðan fisk. Komi minna en 100 þorskígildiskíló í hlut einhvers fiskiskips, samkvæmt framangreindum reglum, fellur úthlutun til þess fiskiskips niður og skiptist hlutur þess milli annarra fiskiskipa frá Grundarfirði. Skilyrði er að aflinn skuli unninn í Grundarfirði. Með umsókn fylgi staðfesting um samning við fiskvinnslu á staðnum.
2. Þrjú fjórðu hlutar byggðakvótans (105 þorskígildistonn) fari til að bæta upp samdrátt vegna banns við skelveiðum á Breiðafirði.  
Reglur um úthlutun samkvæmt þessum lið:
  - a) Rétt til að sækja um úthlutun byggðakvóta hafa útgerðir sem gera út fiskiskip frá Grundarfirði eða starfrækja þar vinnslu afla og hafa aflahlutdeild í hörpuskel á fiskveiðiárinu 2005/2006.
  - b) Aflinn skal veiddur af skipum gerðum út frá Grundarfirði.
  - c) Umræddur byggðakvóti skal unninn í Grundarfirði, samningur við fiskvinnslu skal fylgja umsókn.
  - d) Byggðakvóta samkvæmt umsóknum er uppfylla ofangreind skilyrði skal úthlutað á milli umsækjenda hlutfallslega miðað við aflahlutdeild í hörpuskel.
3. Handhafar byggðakvóta skulu í lok fiskveiðiársins senda bæjarstjórn skriflega greinargerð um hvernig aflanum hafi verið ráðstafað.

**9. Húnaþing vestra.**

1. Úthlutun veiðiheimildanna verði skipt milli báta/skipa í eigu útgerða sem lögheimili höfðu í Húnaþingi vestra 1. september 2005 og eru að meirihluta í eigu einstaklinga sem lögheimili áttu í Húnaþingi vestra 1. september 2005. Staðfesting á ofangreindu skal fylgja umsókn um úthlutun byggðakvóta.

2. 60% af þorskígildislestum í byggðakvóta Húnaþings vestra verður skipt milli báta/skipa þannig að til viðmiðunar verði aflahæsta ár einstakra útgerða á sl. þremur fiskveiðiárum þ.e. á árunum 2002/2003, 2003/2004 og 2004/2005 miðað við landaðan afla í Hvammstangahöfn.
3. 30% af þorskígildislestum í byggðakvóta Húnaþings vestra verður skipt jafnt milli þeirra báta/skipa sem gera út frá Hvammstanga og orðið hafa fyrir skerðingu aflaheimilda vegna aflabrests á rækju í innanverðum Húnaflóa.
4. 10% af þorskígildislestum í byggðakvóta Húnaþings vestra skal skipt jafnt milli þeirra báta/skipa sem sjávarútvegráðuneytið hefur úthlutað aflaheimildum fyrir fiskveiðiárið 2005/2006, þeirra er uppfylla ákvæði 1. tl.
5. Telji útgerðaraðilar nauðsyn á að selja frá sér varanlegar aflaheimildir þá skal útgerðaraðili gera sveitarstjórn Húnaþings vestra grein fyrir ástæðu sölunnar áður en til sölu kemur. Úthlutun byggðakvóta er bundin því að útgerðaraðilar skili inn greinargerðum samkvæmt eftirfarandi:
  - a) Með umsókn um úthlutun byggðakvóta skal fylgja skrifleg greinargerð um tilhögun veiða og vinnslu aflans á fiskveiðiárinu 2005/2006.
  - b) Þann 1. júní 2006 skulu útgerðaraðilar skila til sveitarstjórnar skriflegri greinargerð um framvindu veiða og vinnslu.
6. Verði byggðakvótanum skilað til sveitarstjórnar skal endurúthlutun fara eftir ákvæðum 2. tl.
7. Byggðakvóta sem úthlutað er samkvæmt reglum þessum skal landað á Hvammstanga, að öðrum kosti skal honum skilað inn til sveitarstjórnar.

#### 10. Húsavíkurbær.

Aflaheimildum skal skipt á milli fiskiskipa sem skráð voru með heimahöfn á Húsavík 1. september 2005 og voru í eigu útgerða með heimilisfesti í Húsavíkurbæ, samkvæmt eftirfarandi skilmálum:

1. Úthlutun aflaheimilda á einstök skip samkvæmt reglum þessum skal byggjast á lönduðum afla á Húsavík fiskveiðiárið 2004/2005 í þorskígildistonnnum talið.
2. Komi minna en 0,1 þorskígildistonn í hlut einhvers fiskiskips skal hlutur þess skiptast á önnur skip samkvæmt reglum þessum.
3. Með umsókn skal eigandi/útgerðaraðili framvísa samningi um kaup/vinnslu á afla þar sem skýrt kemur fram að afla skv. 4. tl. verði landað til vinnslu á Húsavík, enda fari vinnsla viðkomandi tegunda fram á staðnum.
4. Skilyrði úthlutunar á einstök skip er að viðkomandi skip/útgerð hafi veitt og landað til vinnslu a.m.k. fimmföldu því magni sem úthlutað er samkvæmt reglum þessum. Heimilt er þó að úthluta helmingi aflaheimilda samkvæmt reglum þessum á einstök skip 1. janúar 2006 hafi þau uppfyllt a.m.k. helming veiðiskyldunnar fyrir þann tíma.
5. Hafi skilyrði um fimmföldun aflamagns ekki verið uppfyllt fyrir 1. júní 2006 skal endurúthluta viðkomandi aflaheimildum til þeirra sem uppfyllt hafa skilyrðin.
6. Handhafi aflaheimilda samkvæmt reglum þessum skuldbindur sig til að leigja til sín eða kaupa a.m.k. jafngildi þeirra aflaheimilda í þorskígildistonnnum sem hann leigir frá sér eða selur á fiskveiðiárinu.
7. Komi til þess að útgerðaraðili sem fengið hefur úthlutun skv. 1. tl. falli frá umsókn sinni eða geti ekki uppfyllt sett skilyrði, skv. 4. tl. skal úthluta viðkomandi heimildum til annarra samkvæmt reglum þessum.

8. Sækja skal um aflaheimildir samkvæmt reglum þessum til bæjarráðs Húsavíkurbæjar. Umsókn skulu fylgja gögn skv. 3. tl. Með undirritun umsóknar samþykkja viðkomandi aðilar þá skilmála sem reglurnar fela í sér.

### 11. Ólafsfjarðarbær.

1. Útgerðaraðilar aflamarksbáta og krókaafلامarksbáta undir 20 tonnum, sem skráðir eru í Ólafsfirði og eru þar með lögheimli þegar sótt er um, eiga rétt til úthlutunar.
2. Úthlutun aflaheimilda á einstaka útgerð sem uppfyllir reglur þessar skal vera a.m.k. 4,5 þorskígildistonn.
3. Því sem eftir verður, verður skipt í hlutfalli við úthlutað aflamark og krókaafلامark umsækjenda á fiskveiðiarinu 2005/2006.
4. Öllum þeim kvóta sem úthlutað er, skal landað og að honum gert í Ólafsfirði.
5. Ólafsfjarðarbær mun auglýsa eftir umsóknum.
6. Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski, án þess að það teljist framsal á úthlutaðum aflaheimildum.
7. Áskilið verður í samkomulagi við hlutaðeigandi að hann afsali sér úthlutaðum aflaheimildum sjái hann sér ekki fært að nýta sér þær og skal það gert í síðasta lagi 15. júlí 2006.
8. Komi til endurúthlutunar skal skipta endurúthlutaðum aflaheimildum jafnt á milli þeirra útgerða sem uppfylla ákvæði 1. tl. og sent hafa inn gilda umsókn um endurúthlutaðan byggðakvóta.

### 12. Raufarhafnarhreppur.

Byggðakvótanum verður skipt að 70% hluta jafnt milli þeirra báta sem sótt verður um fyrir og að 30% hluta miðað við stærð sömu báta í brúttótonnum, að uppfylltum eftirfarandi skilyrðum:

1. Fyrir hvert kíló af þorski sem bátur fær í byggðakvóta skal leggja fram tvö kíló af þorski á móti af eigin aflaheimildum. Þeim afla skal landa til vinnslu á Raufarhöfn. Skal undirrituð staðfesting fiskvinnslu um samstarf fylgja umsókninni. Öðrum tegundum en þorski er útgerðinni frjálst að ráðstafa. Þó skal landa a.m.k. 75% af aflaheimildum í þorski viðkomandi báts í gegnum hafnarvog á Raufarhöfn.
2. Útgerð báts sem fær úthlutað byggðakvóta má hvorki leigja né selja af eigin aflamarksheimildum (úthlutun, batur, færslur milli ára og færslu milli skipa miðað við upphaf kvótaárs) í þorski á fiskveiðiarinu 2005/2006. Bátur skal fyrst landa úthlutaðu aflamarki í þorski áður en byggðakvóti er færður á viðkomandi bát. Þó skal tekið tillit til leyfilegs magns sem samkvæmt lögum má geyma til næsta fiskveiðiárs. Verði útgerð uppvis að því að brjóta skilyrði þessa töluliðs áskilur sveitarstjórn sér rétt til að undanskilja viðkomandi útgerð frá næstu úthlutun byggðakvóta.
3. Aðeins einn bátur frá sömu útgerð getur fengið byggðakvóta og skal báturinn hafa verið gerður út frá Raufarhöfn undanfarið ár og ekki verði breyting þar á. Þá skal og áhöfn báts vera með lögheimili á Raufarhöfn. Sé sótt um undanþágu frá skilyrðum í þessum tölulið skal hún vel rökstudd í umsókn.
4. Fyrir 1. júlí 2006 skulu útgerðir þeirra báta sem fengið hafa byggðakvóta gera sveitarstjórn skriflega grein fyrir því hvernig þeir muni nýta úthlutaðar aflaheimildir fyrir lok fiskveiðiárs. Geti hlutaðeigandi ekki fylgt reglum sveitarstjórnar skal hann afsala sér byggðakvótanum, sem síðan verður endurúthlutað 1. ágúst jafnt til þeirra sem þegar hafa veitt sinn úthlutaða byggðakvóta.

- Umsóknarfrestur um byggðakvóta er til 13. janúar 2006 og verður öllum umsóknum svarað fyrir 1. febrúar 2006. Verði á næsta ári úthlutað byggðakvóta með svipuðum hætti og í ár mun sveitarstjórn hafa reynslu þessa árs til hliðsjónar.

### 13. Snæfellsbær.

Þeir sem koma til greina við úthlutun á kvótanum eru aflamarksskip sem uppfylla eftirfarandi skilyrði:

- Aflamarksskip sem skráð voru í Ólafsvík/á Rifi þann 1. september 2005.
- Aflamarksskip þarf að hafa landað afla í Ólafsvík/á Rifi á tímabilinu 1. september – 6. október 2005.
- Þeim byggðakvóta sem úthlutað verður, verður skipt jafnt á milli þeirra aflamarksskipa sem úthlutun fá.
- Afla sem úthlutað er samkvæmt þessari reglu er skylt að landa til vinnslu innan Snæfellsbæjar. Staðfestingu þar um frá Hafnarsjóði Snæfellsbæjar, skal skila til skrifstofu Snæfellsbæjar fyrir 15. september 2006.
- Samningur við fiskvinnslu þarf að fylgja umsókninni.
- Einungis þau aflamarksskip sem hafa yfir að ráða, 1. september 2005 10 þorskígildistonnnum eða meira koma til greina við úthlutun.
- Allir þeir sem óska eftir að fá úthlutað aflaheimildum samkvæmt ofangreindum skilyrðum, þurfa að sækja um það skriflega til bæjarstjórnar Snæfellsbæjar fyrir 10. desember 2005.

### 14. Stykkishólmsbær.

- Skipta skal byggðakvóta Stykkishólmsbæjar milli báta þeirra útgerða sem eiga aflahlutdeild í hörpuskel þann 1. september 2005 og stunduðu skelveiðar í Breiðafirði á tveimur síðustu skelvertíðum. Bátarnir skulu vera skráðir í Stykkishólmi 31. október 2005. Kvótinn skiptist á grundvelli aflahlutdeildar í hörpuskel fiskveiðiárið 2005/2006.
- Kvótinn verði veiddur af bátum skráðum í bæjarfélaginu, honum landað þar og hann unninn.
- Útgerðum sem úthlutað er byggðakvóta er skylt að leggja til aflaheimildir að lágmarki til jafns við úthlutaðan byggðakvóta, sem einnig verði unninn í fiskvinnslu í bæjarfélaginu.
- Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski, án þess að það teljist framsal á úthlutaðum aflaheimildum.
- Í ágústlok 2006 skulu útgerðir þeirra skipa, sem úthlutað fá byggðakvóta, skila inn upplýsingum til Stykkishólmsbæjar, um nýtingu hans.

### 15. Súðavíkurhreppur.

- Aflamarksskip og krókaafلامarksbátar geta fengið úthlutað byggðakvóta.
- Við ákvörðun á magni byggðakvóta sem úthlutað verður á hvern bát/skip verður úthlutað með tilliti til eftirfarandi atriða:
  - 113 þorskígildistonnnum verður úthlutað til báta/skipa sem orðið hafa fyrir skerðingu á innfjarðarækju skv. 3. gr. A hluta reglugerðar 722, 4. ágúst 2005. Tekið verður tillit til úthlutaðra bóta fiskveiðiárið 2005/2006.
  - 47 þorskígildistonnnum verður úthlutað til báta/skipa með tilliti til úthlutaðra aflaheimilda fiskveiðiárið 2005/2006.
  - 40 þorskígildistonnnum verður úthlutað með tilliti til landaðs afla í Súðavík á fiskveiðiárinu 2004/2005.

- d) 10 þorskígildistonnum verður skipt jafnt á þá báta sem leigðir verða til sjóstanga-veiðiverkefnis sumarið 2006.
3. Heimilt er að nýta úthlutaðan byggðakvóta til áframeldis fari eldið fram innan marka sveitarfélagsins og hann unninn í Súðavík.
  4. Til að fá úthlutað byggðakvóta skulu bátar/skip vera skráð og hafa verið með heimahöfn í Súðavík 1. október 2005 og einnig útgerð báta/skipa skulu vera og hafa verið með skráð lögheimili í Súðavíkurbreppi 1. október 2005.
  5. Umsækjandi um byggðakvóta skal jafnframt vera eigandi báts/skips sem sótt er um byggðakvóta á. Útgerðaraðila sem er með fleiri en einn bát í rekstri er heimilt að færa veiðiskyldu yfir á annan bát/skip í sinni eigu, sé hann sannanlega í eigu sama útgerðaraðila 1. október 2005.
  6. Heildarúthlutun á hvern bát/skip getur numið allt að 80 þorskígildistonnum.
  7. Bátum/skipum sem úthlutað er byggðakvóta til er skylt að leggja til aflaheimildir í bolfiski að lágmarki til jafns við úthlutaðan byggðakvóta.
  8. Útgerðaraðili skuldbindur sig til að landa í Súðavík, bæði úthlutaðum byggðakvóta og mótframlagi.
  9. Úthlutaður byggðakvóti og mótframlag skal fara til vinnslu í Súðavík.
  10. Byggðakvóta er úthlutað eftir á, þegar löndunarskyldu og vinnsluskyldu hefur verið fullnægt.
  11. Hver úthlutun á bát/skip nemur 50% af lönduðum afla hverju sinni þar til heildarúthlutun á bát/skip hefur verið náð. Staðfesting þarf að liggja fyrir um að byggðakvóta og mótframlagi hafi verið landað til vinnslu í Súðavík áður en úthlutun á sér stað.
  12. Fyrir 1. júní 2006 skulu útgerðaraðilar sem fengið hafa úthlutað byggðakvóta gera sveitarstjórn skriflega grein fyrir því hvernig þeir muni nýta ónýttar úthlutaðar aflaheimildir fyrir lok fiskveiðiársins. Hafi útgerðaraðili ekki nýtt 50% af úthlutaðum byggðakvóta þann 20. júní 2006, áskilur sveitarstjórn sér rétt til að endurúthluta ónýttum byggðakvóta. Verður sú úthlutun gerð í samræmi við úthlutaðan byggðakvóta á hvern bát/skip samkvæmt úthlutunarreglum þessum.
  13. Öllum afla samkvæmt þessum reglum skal landað fyrir lok fiskveiðiársins 2005/2006.
- 16. Tálknafjörður.**
1. Úthluta skal aflaheimildum innan mánaðar frá því að ráðuneytið hefur fallist á reglur þessar. Úthluta skal til einstakra afla- og krókaafلامarksbáta, sem skráðir voru á Tálknafirði 1. september 2005 og eru þar enn skráðir þegar sjávarútvegsráðuneytið fellst á reglur þessar.
  2. Skipt skal milli einstakra báta miðað við landaðan afla á Tálknafirði í þorskígildum reiknað á nýliðnu fiskveiðiári þ.e. frá 1. september 2004 til 31. ágúst 2005. Enginn einn bátur getur þó fengið meira en 50% þess sem úthlutað er.
- 17. Öxarfjarðarhreppur.**
1. Veiðiheimildum, samkvæmt bréfi sjávarútvegsráðuneytisins frá 14. september 2005, skal úthlutað til einstakra aflamarksbáta/skipa og krókaafلامarksbáta, sem leggja upp afla sinn til vinnslu á Kópaskeri. Útgerðir koma aðeins til greina við úthlutun leggi þær fram samning við starfandi fiskvinnslu með vinnsluleyfi á Kópaskeri ásamt umsókn um byggðakvóta.
  2. Öllum sem úthlutað er byggðakvóta er skylt að leggja til aflaheimildir að lágmarki tvöfalt á við úthlutaðan byggðakvóta og skoðast móttækin umsókn sem staðfesting viðkomandi á því að það verði gert.



3. Úthlutaður byggðakvóti er ekki framseljanlegur en heimilt er að skipta á jöfnu á markaðsvirði á öðrum tegundum en þorski án þess að það teljist framsal á úthlutaðum aflaheimildum. Bátur skal fyrst landa eigin aflaheimildum áður en byggðakvóti er færður á viðkomandi bát.
4. Sveitarstjórn skiptir kvótanum jafnt á milli umsækjenda en þó verður aldrei minna en 50% kvótans úthlutað til heimabáta, þessi liður kann þó að verða tekinn til endurskoðunar í ljósi fjölda umsókna.  
Umsóknarfrestur um byggðakvóta er til 20. nóvember 2005 og verður öllum umsóknum svarað fyrir 1. desember 2005. Umsóknir skulu hafa borist fyrir kl. 16.00 á skrifstofu sveitarfélagsins 20. nóvember 2005.
5. Með umsókn um veiðiheimildir samkvæmt reglum þessum samþykkir viðkomandi þá skilmála sem reglurnar fela í sér. Útgerðir skulu að einu og öllu fara að þeim skilyrðum sem hér koma fram, þar á meðal skulu forráðamenn þeirra skrifa undir samkomulag við Öxarfjarðarhrepp um að þær afsali sér aflaheimildum fari þær eða geti ekki farið að þeim reglum sem um úthlutun byggðakvótans gilda. Þá fyrirgera útgerðir sem ekki fara að skilyrðum reglnanna rétti sínum til hugsanlegrar úthlutunar á næsta ári.

2. gr.

Auglýsing þessi er gefin út með stoð í 3. mgr. 6. gr. reglugerðar nr. 722, 4. ágúst 2005, um úthlutun byggðakvóta fiskveiðiárið 2005/2006, til þess að öðlast þegar gildi.

*Sjávarútvegsráðuneytinu, 11. nóvember 2005.*

F. h. r.

**Jón B. Jónasson.**

\_\_\_\_\_  
*Þórður Eyþórsson.*